



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

**JAVNI POZIV
ORGANIZACIJAMA CIVILNOG DRUŠTVA/NEVLADINIM ORGANIZACIJAMA SA PODRUČJA GRADA ZENICA ZA
PREDAJU PRIJEDLOGA PROJEKATA U SKLOPU RASPODJELE BUDŽETSKIH SREDSTAVA ZA 2019. GODINU**

Grad Zenica poziva sve organizacije civilnog društva (OCD)/nevladine organizacije (NVO) koje su registrovane za djelovanje na nivou Grada Zenica da dostave prijedloge projekata koji su u skladu sa razvojnim ciljevima, strateškim dokumentima, akcionim planovima i drugim dokumentima Grada Zenica po lotovima, kako slijedi:

LOT 1.

SLUŽBA ZA BORAČKO-INVALIDSKU I SOCIJALNU ZAŠTITU, STAMBENE POSLOVE I DRUŠTVENE DJELATNOSTI:

1. KULTURA

- 1.1. Kreiranje inovativnih kulturnih sadržaja i programa;
- 1.2. Afirmacija tradicije i kulturne baštine naroda Bosne i Hercegovine;
- 1.3. Organizovanje manifestacija kulturno-umjetničkog i zabavnog karaktera za zadovoljavanje potreba građana Grada;
- 1.4. Promovisanje kulturno-umjetničkog amaterizma, volonterizma, timskog rada i očuvanje kulturno-umjetničkog identiteta;
- 1.5. Poštivanje demokratskih principa i standarda kulture, obrazovanja i promocija aktivnosti protiv govora mržnje.

2. SPORT I ZDRAVLJE

- 2.1. Organizovanje i provođenje amaterskih sportskih manifestacija djece, omladine i odraslih za koje je iskazan prepoznatljiv interes građana i Grada Zenica;
- 2.2. Sportski programi i sadržaji za zadovoljavanje potreba građana na području Grada Zenica;
- 2.3. Pripremanje, organizovanje i provođenje sportskih takmičenja rekreativaca, omladine i djece koja nisu uključena u zvanični sistem takmičenja;
- 2.4. Edukacija, sportski odgoj i obrazovanje djece i omladine koja nisu članovi sportskih klubova;
- 2.5. Aktivnosti koje promovišu zdrav način života, amaterizam i volonterizam, kao i programi za korisno ispunjavanje slobodnog vremena, te uključivanje osoba sa posebnim potrebama.

3. MLADI

- 3.1. Prevencija maloljetničke delinkvencije, zloupotrebe interneta, vršnjačkog nasilja, narkomanije, alkoholizma, i ostalih pošasti suvremenog doba;
- 3.2. Aktivnosti koje podstiču mlade na promociju volonterizma, demokratije, tolerancije i ravnopravnosti spolova, te kreativno izražavanje mladih;
- 3.3. Projekti i programi iz oblasti zaštite prava djeteta;
- 3.4. Organizovanje manifestacija kulturno-umjetničkog i zabavnog karaktera za mlade;
- 3.5. Zajedničke maturalne zabave i slične manifestacije za koje je iskazan prepoznatljiv interes mladih i Grada Zenica.

4. SOCIJALNA ZAŠTITA

- 4.1. Briga o ugroženim kategorijama stanovništva;
- 4.2. Projekti inkluzije osoba sa posebnim potrebama i drugih marginaliziranih i društveno zapostavljenih skupina, te briga o osobama koje zbog fizičkog ili drugog hendikepa nisu u stanju same brinuti o sebi;
- 4.3. Prevencija nasilja u porodici i suzbijanja prosjačenja, skitnje i ostalih oblika negativnog ponašanja;



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- 4.4. Mogućnost aktiviteta osoba sa invaliditetom i promocija rezultata;
- 4.5. Programi za stare osobe.

Ukupan iznos budžetskih sredstava za LOT 1 – 150.000,00 KM

LOT 2 .

SLUŽBA ZA PRIVREDU I UPRAVLJANJE RAZVOJEM

1. PRIVREDA

- 1.1. Promocija poduzetništva;
- 1.2. Edukacija mladih iz oblasti poduzetništva;
- 1.3. Promocija turističkih potencijala grada Zenica;
- 1.4. Edukacija iz oblasti savremenih tehnologija;
- 1.5. Organizacija sajmova.

2. POLJOPRIVREDA

- 2.1. Organizacija poljoprivrednih sajmova;
- 2.2. Organizacija kolektivnih nastupa sajmovima;
- 2.3. Organizacija kolektivnih posjeta sajmovima;
- 2.4. Edukacija i promocija poljoprivrednih proizvođača;
- 2.5. Organizovanje izložbi životinja.

Ukupan iznos budžetskih sredstava za LOT 2 – 30.000,00 KM

LOT 3.

SLUŽBA ZA EKOLOGIJU, KOMUNALNE I INSPEKCIJSKE POSLOVE

- 1. Mjere na razvijanju i jačanju ekološke kulture i svijesti građana;
- 2. Projekti u oblasti upravljanja otpadom;
- 3. Projekti s ciljem smanjenja zagađenja zraka;
- 4. Zaštita prirode i prirodnih bogatstava;
- 5. Zaštita vode i tla;
- 6. Projekti s ciljem poboljšavanja energetske efikasnosti.

Ukupan iznos budžetskih sredstava za LOT 3 – 30.000,00 KM

Odobreni projektni prijedlozi će biti finansirani u iznosu od 500,00 KM – 5.000,00 KM.

Odobrena sredstva će se koristiti isključivo za pokrivanje opravdanih troškova. Opravdanim troškovima smatraju se samo direktni i indirektni troškovi koji su neposredno povezani s provedbom projekta, odnosno ostvarivanjem jednog ili više ciljeva projekta nastalih na projektu.

Neopravdani troškovi su:

- a) Podugovaranje usluga za koje izvršitelj usluge nije nadležan;
- b) Plate zaposlenika koji nisu prijavljeni da će raditi na projektu;
- c) Svi troškovi za koje ne postoji pokrivanje u ugovorima i računima.

Grad zadržava pravo da ne dodijeli sva raspoloživa finansijska sredstva. Dužina trajanja projekta može biti do kraja 2019. godine.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

PRAVO UČEŠĆA

Učešće u Javnom pozivu je otvoreno, na jednakim osnovama, za sve formalno registrirane OCD-e i NVO-e (udruženje/udruga ili fondacija), na području Grada Zenica u skladu sa važećim zakonskim propisima u Bosni i Hercegovini, s tim da projekat mora biti implementiran na području Grada Zenica. Aplikant može aplicirati na ukupan iznos budžeta projekta ili dio nedostajućih sredstava, što je dužan navesti u projektnom prijedlogu.

Aplikant može konkurisati samo sa jednim projektnim prijedlogom, a projekat može obuhvatiti jednu ili više prioriternih oblasti, s tim da primarna oblast mora biti jasno naznačena, kao i LOT na koji se aplicira, u skladu sa programskim djelovanjem.

KRITERIJI ODABIRA

1. Pripremljenost projekta u skladu sa zahtijevanim sadržajem Javnog poziva;
2. Realnost budžeta i vlastito učešće;
3. Referentna lista već implementiranih sličnih projekata;
4. Mjerljivi efekti kao što su: originalnost u pristupu i učinak projekta na okruženje i zajednicu;
5. Kvalitet javne prezentacije i promocije projekta.

VREDNOVANJE I RANGIRANJE PROJEKATA

Vrednovanje i rangiranje projekata pristiglih na Javni poziv vršit će posebna komisija koju imenuje Gradonačelnik. Komisija razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uslova i kriterija za odobravanje projekta i prijedlog dostavlja Gradonačelniku koji donosi konačnu Odluku o korisnicima sredstava. Prije donošenja konačne Odluke o odabiru gradska uprava zadržava pravo da od podnosioca projektnih prijedloga traži dodatna pojašnjenja i dokumentaciju, kao i pravo odbijanja pristiglih projekata bez posebnog obrazloženja. Sa odabranim aplikantima zaključit će se Sporazum o međusobnim pravima i obavezama o realizaciji projekta koji se finansira/sufinansira. Nakon završetka projekta odabrani aplikanti su dužni dostaviti Izvještaj o namjenskom korištenju dobijenih sredstava.

Infodan za sve organizacije civilnog društva/nevladine organizacije sa područja Grada Zenica koje se planiraju prijaviti na Javni poziv, održat će se 07.03.2019. godine u Velikoj sali Grada Zenica u periodu od 14:00 – 16:00h.

OBAVEZNA DOKUMENTACIJA

- a) Administrativni podaci o podnosiocu projektnog prijedloga (Prilog 1);
- b) Projektni prijedlog (Prilog 2);
- c) Pregled budžeta (Prilog 2.a);
- d) Plan aktivnosti (Prilog 2.b);
- e) Izjava (Prilog 3);
- f) Lista za provjeru (Prilog 4).

Javni poziv i obavezna dokumentacija se mogu preuzeti na zvaničnoj web stranici Grada www.zenica.ba.

Pitanja u vezi sa Javnim pozivom mogu se postaviti pismeno u:

- a) Službi za boračko-invalidsku i socijalnu zaštitu, stambene poslove i društvene djelatnost za LOT 1, kontakt osoba: Mersida Čolić na e-mail: mersida.colic@zenica.ba
- b) Službi za privredu i upravljanje razvojem za LOT 2, kontakt osoba: Maša Škrbić na e-mail : masa.skrbic@zenica.ba
- c) Službi za ekologiju, komunalne i inspeksijske poslove za LOT 3, kontakt osoba: Jakuta Imširović, na e-mail: jakuta.imsirovic@zenica.ba



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

DODATNA DOKUMENTACIJA

- ✓ Izvod iz Registra udruženja i fondacija;
- ✓ Rješenje o registraciji organizacije (za nositelja projekta/podnositelja i eventualne partnere na projektu);
- ✓ Statut organizacije (podnositelj projekta i partneri);
- ✓ Završni godišnji finansijski izvještaj za prethodnu godinu (dokument Bilans stanja i Bilans uspjeha), koji je ovjeren od strane nadležne agencije za finansijsko poslovanje i licenciranog i ovlaštenog knjigovođe;
- ✓ Godišnji narativni izvještaj organizacije za prethodnu godinu;
- ✓ Dokazi o izmirenim obavezama po osnovu poreza i obaveznih doprinosa, te obaveza prema Gradu Zenica (ako su organizacije civilnog društva/nevladine organizacije obveznici istih – KGZ/KN i zakup prostorija);
- ✓ Izvod iz Spiska omladinskih udruženja Grada Zenica, ukoliko se projekat odnosi na oblast mladih;

Svi dokumenti koji se predaju moraju biti originali ili ovjerene kopije, ne starije od 3 mjeseca.

PREDAJA OBAVEZNE I DODATNE DOKUMENTACIJE

Projektni prijedlog (sa kompletnom zahtijevanom dokumentacijom) mora se dostaviti **u jednom primjerku u štampanoj formi i jednoj elektronskoj kopiji (CD ili USB)** u zatvorenoj koverti, sa naznakom **“Ne otvarati prije zvaničnog otvaranja”**, preporučenom poštom na adresu: Trg BiH br. 6, 72 000 Zenica, naslovljen na: Služba za boračko-invalidsku i socijalnu zaštitu, stambene poslove i društvene djelatnosti, Javni poziv za nevladine organizacije i broj LOT-a na koji se prijavljuje ili lično tokom radnih dana (ponedjeljak – petak), u periodu od 07:30 do 16:00 sati na Protokol gradske uprave.

Rok za predaju projektnih prijedloga je **14.03.2019.** godine, u **16:00** sati. Nekompletni i neblagovremeni zahtjevi se neće razmatrati. **Svi aplikanti koji su predali prijedloge projekata biti će obaviješteni o odluci u vezi sa njihovim prijedlogom projekta, u roku od 30 dana od dana zatvaranja Javnog poziva putem liste objavljene na web stranici Grada Zenica www.zenica.ba.** Dokumenti koji se šalju na Javni poziv neće biti vraćeni aplikantima.

Zenica, 27.02.2019. godine

02-49-4485/19



Gradonačelnik

Fuad Kasumović